

Serbske ewangelske towarstwo

Wustawki

§ 1 Mjeno a sydło

- (1)Towarstwo nosy mjeno „Serbske ewangelske towarstwo z. t.“.
- (2)Sydło towarstwa je Budyšin.

§ 2 Zaměr a powšitkownowužitnosć

- (1)Zaměr towarstwa je spěchowanje serbskeho ewangelskeho žiwjenja. Tutón zaměr so wosebje zwoprawdźuje přez podpěru serbskich cyrkwinskih zarjadowanjow, přez kulanske a informaciske zarjadowanja a projekty, kotrež služa pěstowanju serbskeho ewangelskeho herbstwa abo druhim potriebam ewangelskich Serbow.
- (2)Towarstwo ma jenož a bjezposrědnje powšitkownowužitne a cyrkwinske zaměry w zmysle wotrězka „Dawki znižace zaměry“ Wotedawkoweho porjada. Towarstwo skutkuje njesebičnje; wone nima žane swójske hospodarske zajimy. Srědki towarstwa smědža so jenož k spjelnjenju wustawkoweho zaměra wužiwać. Čłonojo njedostawaja žane dary a podpěry ze srědkow towarstwa. Nichtó njesmě měć lěpšiny přez wudawki, kiž so njeznjesu ze zaměrom towarstwa abo přez njepoměrnje wysoke zapłaćenje.

§ 3 Člonstwo

- (1)Sobustaw móže kóždy přirodna wosoba wot 14. žiwjenskeho lěta kaž tež juristiska wosoba być, kotraž připóznawa wustawki towarstwa.
- (2)Člonstwo so započina z podpisanjom přizjewjenja a z wobkrućenjom sobustawstwa přez předsydstwo.
- (3)Kóždy sobustaw ma lětny přinošk wotpowědnje přinoškowemu porjadej plaćić.
- (4)Člonstwo so kónči
 - a) ze smjerću sobustawa,
 - b) přez pisomne wotzjewjenje, zapodate jednomu ze sobustawow předsydstwa,
 - c) přez wuzamknjenje z towarstwa.
- (5)Předsydstwo móže sobustawa, kotryž je zajimy towarstwa w sylněj měrje zranił, přez wobzamknjenje z towarstwa wuzamknjeć. Jeli so wuzamknjeny sobustaw w běhu 8 njedźel po dóstaću wobzamknjenja pola předsydstwa hórši, rozsudži sobustawska zhromadźizna.

§ 4 Organy towarstwa

Organaj towarstwa stej sobustawska zhromadźizna a předsydstwo.

§ 5 Sobustawska zhromadźizna

- (1) Sobustawska zhromadźizna wobzamkuje
 - a) wo wšitkich zakładnych naležnosćach towarstwa a wo wuznamnych nowych předewzaćach,
 - b) wo založenju a džělowym wobłuku podskupinow towarstwa,
 - c) wo rozprawje předsydstwa a rewizorow,
 - d) wo přinoškowym porjedže
 - e) wo pohóršku při wuzamknjenju sobustawa,
 - f) wo změnje wustawkow a towarstwoweho zaměra,
 - g) wo rozpušćenju towarstwa.
- (2) Za wobzamknjenja po § 5 wotřezk 1 su scěhowace wjetšiny trěbne:
 - a) do d) jednora wjetšina wotedatych hłosow přitomnych sobustawow,
 - e) a f) wjetšina třoch štwórcinow wotedatych hłosow přitomnych sobustawow,
 - g) dvě třecínje hłosow wšitkich sobustawow towarstwa.
- (3) Wobzamknjenja a protokole maja so wot předsydy a zapisowarja podpisać.
- (4) Sobustawska zhromadźizna woli předsydstwo a rewizorow na dvě léće.
- (5) Sobustawska zhromadźizna schadźuje so znajmjeńša jónu wob léto. Wona so přez předsydstwo najpozdžišo dvě njedzeli do toho přez zjawne přeprošenje w přihódnych serbskich časopisach a nowinach zwoła.
- (6) Sobustawska zhromadźizna ma so w běhu dweju měsacow zwołać, hdyž sej to znajmjeńša pjećina sobustawow pisomnje wot předsydstwa žada.

§ 6 Předsydstwo

- (1) Předsydstwo wobsteji z předsydy, pjećoch dalšich sobustawow a Serbskeho superintendenta. Wšitcy sobustawojo předsydstwa dyrbja stawy ewangelskeje cyrkwy być a cyrkwin-ske prawa wobsedžeć. Wone je kmane k wobzamknjenju, hdyž su znajmjeńša štyrjo sobustawojo přitomni.
- (2) Předsydstwo so woli wot sobustawskeje zhromadźizny. Znowawuzwolenje je móžne. Předsydstwo džěla hač do wuzwolenja noweho předsydstwa.
- (3) Zloža-li sobustawojo předsydstwa w běhu wólbneje perody swoje zastojnstwo, móže předsydstwo z jednorej wjetšinu druhich sobustawow towarstwa za zbytk wólbneje perody powołać.
- (4) Předsydstwo ma zamołwitosć za zwoprawdženje wobzamknjenjow sobustawskeje zhromadźizny a za wukonjenje běžnych nadawkow. Wone přihotuje sobustawsku zhromadźiznu.
- (5) Předsydstwo wuzwoli ze svojich rjadow předsydu, zapisowarja, zamołwiteho za financy a postaja třoch zamołwitych za prawniske zastupowanje.

§ 7 Prawniske zastupowanje

- (1) Towarstwo so na sudnistwje a zwonka sudnistwa zastupuje přez předsydstwo.
- (2) W prawniskim wobchadže so towarstwo přez dweju sobustawow předsydstwa zastupuje.

§ 8 Rewizoraj

Sobustawska zhromadźizna woli na dvě lěće dweju rewizorow, kotraž njemóžetaj předsydstwu přisłušeć. Wonaj přepruwujetaj lětnje financne naležnosće a rozprawjataj wo tym sobustawskej zhromadźiznje w samostatnej rozprawje.

§ 9 Wobchodne lěto

Wobchodne lěto towarstwa je kalendrowe lěto.

§ 10 Kónčne postajenja

- (1) Zamóženje towarstwa so při jeho rozpušćenju abo hdyž dawki nižace zaměry wotpadnu, rozdželi po jenakich dźělach na Ewangelsku cyrkej šleskeje Hornjeje Łužicy a na Ewangelsko-luthersku krajnu cyrkej Sakskeje. Wonej matej je jenož nałožować za dawki nižace zaměry a za předewzaća, kotraž wotpowěduja zaměram towarstwa.
- (2) Tute wustawki nabudu plaćiwosće ze zapisanjom do towarstwoweho registra.

Njeswačidło, 18. 6. 1994

Serbske ewangelske towarstwo

Přinoškowy porjad

1. Sobustawski přinošk ma séšowacu wysokosć:

- přistajeni, džělačerjo a samostatni 30,- EUR/lěto
- rentnarjo 12,- EUR/lěto
- šulerjo, studenća, wojacy, bjezdžělni, hospozy a přijimarjo socialneje pomocy 6,- EUR/lěto
- towarstwa a druhe juristicke wosoby 30,- EUR/lěto

2. Lětny přinošk ma so hač do 30. 6. kóždeho lěta na konto towarstwa přepokazać. Předsydstwo wupisuje wobkrućenja wo darach.

3. Předsydstwo móže sobustawam, kotřiž njemóžeja přinošk zaplaćić, tutón džělnje abo cyle spuścić.

4. Štóž njeje swój přinošk dvě léće dołho zaplaćil, zhubi prawa sobustawstwa.